

tanquam gratitudinis filii exaltationis imperii, ubi eorum status, honor et tranquillitas procurantur, pro sua particulari sollicitudine, ad quam ipsos fidelitatis astringit debitum, fructuosi promotores et eius servitores existerent, in istis nostre imperatorie dignitatis primordiis, cuius solempnia in nobis sunt divino nutu completa, esse deliberavimus convocandos, ut per eorum directionem, consilium et auxilium tam super rebellium nostrorum de Ytalie partibus insolentibus propulsandis et imperii recuperandis bonis et iuribus, quam super nonnullis aliis tractandis et ordinandis negotiis statum imperii, christianitatis et orbis tangentibus, ad quorum ordinationem presentia eorum requiritur, salubriter procedere valeamus. Habentes igitur de fide tua^a fidutiam specialem, te in Burgundiam provinciam duximus transmittendum, facientes te procuratorem et nuntium nostrum specialem, committentes tibi pariter et mandantes, quatinus ad dictas terras seu provincias accedas et per te vel alium seu alios, quos ad hoc expedire videris, universos principes ecclesiasticos et seculares, duces, marchiones, comites, barones, nobiles, civitates et quosque alios fideles vassallos nostros et imperii in dictis terris, provinciis et etiam in ipsis terris contiguis constitutos ex parte nostra roges in fidei debito, quo^b nobis et imperio astringuntur, requiras et peremptorie moneas et cites, ipsis nichilominus et cuilibet ipsorum auctoritate nostra imperiali sub pena privationis principatum, regalum, feudorum, ducatum, marchionatum, comitatum, privilegiorum, gratiarum, concessionum et aliorum omnium, que a nobis et imperio mediate vel immediate tenere dinoscuntur, mandes et precipias, quatinus zelum, quem ad magestatem nostram, prosperitatem imperii statumque christianitatis et mundi pacificum gerunt, hac^c vice per effectum ostendentes, in prima die mensis Maii venturi proximo, quam ipsis et aliis, quos ad hoc vocari fecimus, pro termino peremptorio assignamus, cuilibet ipsorum cum decenti armatorum commitiva, prout statum eorum et celsitudinem nostram imperialem decebit, ac civitates per suos syndicos et nuntios honestos similiter cum decenti armatorum commitiva se nostro conspectui representent, nobis in premissis debitum obsequium et salubre consilium et auxilium impensuri. Concedentes nichilominus [tibi]^d plenam potestatem ordinandi, tractandi et concordandi cum ipsis et etiam cum aliis, qui nobis et

a) 'Habentes — tua' auf Rasur. b) 'q'. c) aus 'ac' corr.
d) fehlt.